

## اتوار 3 مارچ، 2024

## مضمون۔ مسیح یسوع

سنہری متن: عبرانیوں 13 باب 8 آیت

”یسوع مسیح کل تے اج ایتھے تیکر پئی ہمیشہ لئی اوجیہا اے۔“

جوابی پڑھائی: یوحنا 3 باب 16، 18، 20، 21، 33، 35، 36 آیتاں

- 16- کیوں جے رب نے جگ نال اوجیہا پیار رکھیا پئی اوہنے اپنا کلا کلا پتر دے چھڈیا تاں جو جیہڑا وی اوہدے اُتے ایمان لیاوے مرے نہ بلکہ ہمیشہ دی حیاتی پاوے۔
- 18- جیہڑا اوہدے اُتے ایمان رکھدا اے اوہدے اُتے سزا دا حکم نہیں ہندا۔ جیہڑا اوہدے اُتے ایمان نہیں رکھدا اوہدے اُتے سزا دا حکم ہو چکیا اے۔ ایس لئی پئی اوہ رب دے کلمے پتر دے نال اُتے ایمان نہیں لیا۔
- 20- کیوں جے جیہڑا بدی کردا اے اوہ لو نال ویر رکھدا اے تے لودے کول نہیں آؤندا۔ ایہہ نہ ہووے پئی اوہدے کماں اُتے ملامت کیتی جاوے۔
- 21- پر جیہڑا سچائی اُتے عمل کردا اے اوہ لودے کول آؤندا اے تاں جو اوہدے کم ظاہر ہوون پئی اوہ رب وچ کیتے گئے نیں۔
- 33- جنسے اوہدی گواہی من لئی اوہنے ایس گل اُتے مہر کردتی پئی رب سچا اے۔

35۔ پیوپتر نال پیار کردا اے تے اوہنے ساریاں شیواں اوہدے ہتھ وچ دے دیتیاں نیں۔

36۔ جیہڑا پتر تے ایمان لیاؤندا اے ہمیشہ دی حیاتی اوہدی اے۔

## درسی وعظ

## بائبل وچوں

### 1۔ یسعیاہ 7 باب 14 آیت

14۔ پر خداوند آپ تہانوں اک نشان دیوے گا۔ ویکھو اک کنواری حاملہ ہووے گی تے پتر جے گی تے اوہ اوہداناں  
عمانوائیل رکھے گی۔

### 2۔ لوقا 1 باب 26 توں 28، 30 توں 32، (توں پہلی)، 33 (تے اوہدا) توں 35، 37، 80 (توں دوجی) آیتاں

26۔ چھویں مہینے وچ جبرائیل فرشتہ رب ولوں گلیل دے اک شہر وچ جیداناں ناصرت سی اک کنواری دے کول  
گھلایا گیا۔

27۔ جیدی منگنی داؤد دے خانوادے دے اک بندے یوسف نال ہوئی سی تے اوس کنواری داناں مریم سی۔

- 28- تے فرشتے نے اوہدے کول اندر آ کے آکھیا سلام تینوں جیدے اُتے فضل ہو نیا اے! خداوند تیرے نال اے۔
- 30- ڈرنہ کیوں جے خداوند ولوں تیرے اُتے فضل ہو نیا اے۔
- 31- تے ویکھ توں حاملہ ہو نوئیں گی تے تیرے پتر ہووے گا۔ توں اوہداناں یسوع رکھیں۔
- 32- اوہ بزرگ ہووے گا تے رب تعالیٰ داپتر اکھوائے گا تے خداوند رب اوہدے پیو داؤد تخت اوہنوں دیوے گا۔
- 34- مریم نے فرشتے نوں آکھیا پئی ایہہ کیوں ہووے گا جد کہ میں کسے مرد نوں نئیں جان دی؟
- 35- تے فرشتے نے جواب وچ اوہنوں آکھیا پئی پاک روح تیرے اُتے نازل ہووے گا تے رب تعالیٰ دی قدرت تیرے اُتے سایہ کرے گی تے ایس پاروں اوہ مولود مقدس رب داپتر اکھوائے گا۔
- 37- کیوں جے جیہڑا قول رب ولوں اے اوہ بالکل بے تاثیر نہ ہووے گا۔
- 80- تے اوہ منڈاؤد دھدا تے روح وچ قوت پاندا گیا۔

### 3- لوقا باب 14، 15، 32، 36، 38 توں 41 آیتاں

- 14- فیر یسوع روح دی قوت نال بھریا ہو نیا گلیل وچ پرت کے آیتے چاروں پاسے اوہدی دھم مچ گئی۔
- 15- تے اوہ اوہناں دے عبادتخانے وچ تعلیم دیندا رہیا تے سارے اوہدی وڈیائی کردے رہے۔
- 32- تے لوک اوہدی تعلیم توں حیران سی کیوں جے اوہدا کلام اختیار دے نال سی۔
- 33- تے عبادتخانے وچ اک بندہ سی جیدے وچ ناپاک دیودی اک روح سی اوہ بوہت اُچی آواز نال بولیا پئی۔
- 34- اے یسوع ناصرے ساہنوں تیرے نال کیہ کم؟ کیہ تو ساہنوں ہلاک کرن لئی آیا ایس؟ میں تینوں جان دا آں پئی تو کون ایس۔ رب دا قدوس۔

- 35- یسوع نے اوہنوں جھڑک کے آکھیا چپ رہ تے اوہدے وچوں نکل جا۔ تے بدر روح اوہدے اندروں اوہنوں مروڑ کے کجھ نقصان پہنچائے بغیر نکل گئی۔
- 36- تے سارے حیران ہو کے آپس وچ آکھن لگ پئے پئی ایہہ کینویں دا کلام اے؟ کیوں جے اوہ اختیار تے قدرت نال ناپاک روہاں نوں محکم دیندا اے تے اوہ نکل جان دیاں نیں۔
- 38- فیر اوہ عبادتخانے وچوں اٹھ کے شمعون دے گھر وچ داخل ہوئی تے شمعون دی سس نوں بڑا تپ چڑھیا سی تے اوہناں نے اوہدے لئی اوہدے توں عرض کیتی۔
- 39- اوہ کھلو کے اوہدے دل جھکیا تے تپ نوں جھڑکیا تے اوہ اتر گیا تے اوہ اوہ سے ویلے اٹھ کے اوہناں دی سیوا کرن لگ گئی۔
- 40- تے سورج دے ڈُب بن ویلے اوہ سارے لوکی جنہاں دے کول وکھریاں وکھریاں بیماریاں دے مریض سی اوہناں نوں اوہدے کول لیائے تے اوہنے اوہناں وچوں ہر اک اُتے ہتھ دھر کے اوہناں نوں چنگا کیتا۔
- 41- تے بدر وحوں چلا کے تے ایہہ آکھ کے پئی توں خدا دا پتر ایں بوہتیاں وچوں نکل گیاں تے اوہ اوہناں نوں جھڑک داتے بولن نہ دیندا سی کیوں جے اوہ جان دیاں سی پئی ایہہ مسیح اے۔

#### 4- یوحنا 8 باب 58 آیت

58- یسوع نے اوہناں نوں آکھیا میں تہانوں سچی آکھداں پئی ایہدوں پہلاں پئی ابراہام جہاں میں داں۔

#### 5- یوحنا 14 باب 2 (توں:)، 16، 17 (توں پہلی:)، 19 (توں:)، 26، 30، 31 آیتاں

- 2- میرے پودے گھروچ بوہت سارے مکان میں جے نہ ہندے تے میں تہانوں آکھ دیندا کیوں جے میں جانا واں پئی تہاڈے لئی تھیں تیار کراں۔
- 16- تے میں پیواگے درخواست کراں گاتے اوہ تہانوں دو جامد گار بخشے گا پئی ہمیشہ تیکر تہاڈے نال رہوے۔
- 17- یعنی روح حق جنہوں جگ حاصل نہیں کر سکدا کیوں جے نہ اوہنوں دیکھد انہ جان دااے۔ تئی اوہنوں جان دے او کیوں جے اوہ تہاڈے نال رہندااے تے تہاڈے اندر رہوے گا۔
- 19- تھوڑے چر بعدوں سنسار مینوں نہ دیکھے گا پر تئی مینوں دیکھدے رہوے گا۔ کیوں جے میں جیوندہ واں تے تئی وی جیوندے رہوے گا۔
- 26- پر مددگار یعنی پاک روح جنہوں باپ میرے نال توں گھلے گا اوہ ای تہانوں ساریاں گلاں سکھاوے گاتے جو کجھ میں تہانوں آکھیااے اوہ سب تہانوں یاد دلائے گا۔
- 30- ایہدے بعدوں میں تہاڈے نال بوہتیاں گلاں نہ کراں گا کیوں جے جگ داسردار آندااے تے میرے وچ اوہدا کجھ نہیں۔
- 31- پراہیہ ایس لئی ہندااے پئی جگ جانے پئی میں باپ نال پیار کرداواں تے جیویں باپ نے مینوں حکم دتا میں اونج ای کرداں واں۔

## 6- متی 27 باب 1، 33، 35 (توں)، آیتاں

- 1- جد سویر ہوئی تے سارے سردار کاہناں تے قوم دے بزرگاں نے یسوع دے خلاف صلاح کیتی پئی اوہنوں مار دیئے۔
- 23- اوہنے آکھیا کیوں؟ اوہنے کی بریائی کیتی اے؟ پر اوہ ہور وی اُچی اُچی آکھن لگے پئی اوہ سولی چاڑھیا جاوے۔

35- تے اوہناں نے اوہنوں سولی چاڑھیا تے اوہدے کپڑے قرعہ پا کے ونڈ لئے۔

## 7- یوحنا 20 باب 1، 11 توں 13 (توں چوتھی)، 14 توں 16، 19 آیتاں

1- ہفتے دے پہلے دن مریم مگد لینی اجیسے تڑ کے پئی ہالے ہنیرا ای سی قبر اُتے آئی تے پتھر نوں قبر اُتوں ہٹا ویکھیا۔

11- پر مریم باہر قبر دے کول کھلوتی روندی رہی۔ تے جدوں روندیاں ہوئے قبر وُل جھک کے اندر نظر کیتی۔

12- تے دو فرشتیاں نوں چٹے لباس پائے ہوئے اک نوں سرہانے تے دو جے نوں پینداں ول بیٹھے ویکھیا جتھے یسوع دی لاش پئی سی۔

13- اوہناں نے اوہنوں آکھیا اے عورت! توں کیوں رونی ایس؟ اوہنے اوہناں نوں آکھیا ایس لئی پئی میرے خداوند نوں چک کے لے

گئے نیں تے پتہ نئیں پئی اوہنوں کتھے رکھیا اے۔

14- ایہہ آکھ کے اوہ پیچھے مڑی تے یسوع نوں کھلوتے ویکھیا تے نہ پچھانیا پئی ایہہ یسوع اے۔

15- یسوع نے اوہنوں آکھیا اے عورت! توں کیوں رونی ایس؟ کنہوں لبھدی ایس؟ اوہنے باغبان سمجھ کے اوہنوں آکھیا میاں جے توں اوہنوں ایتھوں چکھیا ہووے تے مینوں دَس دے پئی اوہنوں کتھے رکھیا اے تاں جو میں اوہنوں لے جاواں۔

16- یسوع نے اوہنوں آکھیا مریم! اوہنے مڑ کے اوہنوں عبرانی زبان وچ آکھیا اے رُبونی! یعنی اے استاد!

19- فیرا سے دن جیہڑا ہفتے دا پہلا دن سی لوڈھے ویلے جدا تھے دے بوہے جتھے چیلے اکٹھے سی یہودیاں دے ڈرناں بند کیتے سی یسوع آ کے وچ کھلو گیا تے اوہناں نوں آکھیا تہاڈی سلامتی ہووے!

## 8- لوقا 24 باب 45، 46، 48، 50 توں 53 آیتاں

- 45- فیر اوہنے اوہناں دا ذہن کھولیا تاں جو پاک کتاب نوں سمجھن۔
- 46- تے اوہناں نوں آکھیا ایہہ لکھیا اے پئی مسیح دکھ سہو دے گاتے تیجے دن مردیاں وچوں جی اٹھے گا۔
- 48- تسی ایہناں گلاں دے گواہ او۔
- 50- فیر اوہ اوہناں نوں بیت عنیاہ دے سامنے تیکر باہر لے گیا تے اپنے ہتھ چک کے اوہناں نوں برکت دتی۔
- 51- جدا وہ اوہناں نوں برکت دے رہیا سی تے اتیج ہوئی پئی اوہناں توں وکھ ہو گیا تے اسمان اُتے چکیا گیا۔
- 52- تے اوہ اوہنوں سجدہ کر کے بڑی خوشی نال یروشلیم نوں پرت کے آئے۔
- 53- تے ہر ویلے ہیکل وچ حاضر ہو کے رب دی وڈیائی کردے سی۔

## سائنس تے صحت

## 1- 30-26، 23-(دی) 16:333

یسوع ناصری دی آمد مسیحی دور دی پہلی صدی دا احاطہ کردی اے، پر مسیح ابتدائی ورھیاں یا اخیر دی دنوں دی قید توں بغیر اے۔ مسیحی دور توں پہلے تے بعد وچ پیڑی توں پیڑی مسیح روحانی خیال تے رب دے پرچھانوئیں دے طور تے، اوہناں لوکاں لئی کجھ خاص طاقت تے فضل دے نال آیا جیہڑے مسیح یعنی سچائی نوں حاصل کرن لئی تیار سی۔۔۔۔۔ الہی شبیہ، خیال یا مسیح الہی اصول یعنی رب توں غیر منفک سی، ہے، تے ہمیشہ رہوے گا۔ یسوع نے اپنی روحانی شناخت

بائبل دا ایہہ سبق پلین فیلڈ کرچن پرچ، آزاد لوں تیار ہو یا۔ ایہہ کنگ جیمز بائبل دیاں آیتاں تے میری بیکرا ایڈیٹی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریریں نال بنیاں۔

دے ایس اتحادنوں اہنج بیان کیتا: ”ایس توں پہلاں پئی ابراہیم پیدا ہو گیا، میں واں“؛ ”میں تے پیواک واں“؛ ”پیو میتھوں وڈھا اے۔“

2- 14-1:52

اوہ اپنی جوانی دے شروع توں ای ”پیو دے کم“ وچ پئے گیا سی۔ اوہ دے شغل دو جیاں نالوں بوہت وکھرے سی۔ اوہ دامالک روح سی؛ جد کہ دو جیاں دامالک مادا سی۔ اوہ رب دی سیوا کردا؛ اوہ لالچ دی سیوا کردے۔ اوہ دے جذبے پاک سن؛ اوہناں دے بدنی سی۔ اوہ دیاں حساں صحت، پاکیزگی، تے حیاتی دی روحانی گواہی وچ گواچیاں سی؛ اوہناں دیاں حساں الٹ گواہی دیندیاں نیں، تے پاپ، بیماری تے موت دی مادی گواہی وچ گواچیاں رہندیاں نیں۔

اوہناں دیاں خامیاں تے ناپاکیاں نے اوس کاملیت تے پاکیزگی دی ازلی ملامت نوں محسوس کیتا۔ ایس لئی عادل تے کامل یسوع نال جگ دی نفرت، تے مستقبل دی غلطی بارے نبی دی پیشین گوئی اوہنوں دیوے گی۔ ”بندیاں وچ حقیر تے مردود“، ایہہ یسعیاہ ولوں آؤن والے سلامتی دے شہزادے لئی واضح لفظ سی۔

3- 32-28:26

ساڈے مالک نے بس نظریے، عقیدے یا ایمان دی تعلیم نہیں دتی۔ ایہہ الہی اصول دی پوری ہستی سی جیدی اوہنے تعلیم دتی تے مشق وی کیتی۔ مسیحیت لئی اوہ ثابت مذہب یا عبادت دا کوئی نظام یا شکل نہیں سی، بلکہ ایہہ کر سچن سائنس اے جیہڑی حیاتی تے پیاردی ہم آہنگی اُتے عمل کردی اے۔



## 4 - 23-16:117

اک الہی طالب علم دے طور تے اپنے آپ وچ حیاتی تے سچائی نوں بیان کر دیاں تے ظاہر کر دیاں ہوئے تے بیمار تے پاپی اُتے اپنی طاقت دے راہیں اوہنے انسان اُتے رب نوں آشکار کیتا۔ انسانی نظریے اوس الہی اصول نوں بیان کرن لئی ناقص نیں جیہڑا یسوع ولوں کیتے گئے معجزیاں (عجیب کماں) وچ تے خاص کر کے بدن وچوں اوہدی وڈھی، اعلیٰ، بے مثال تے کامیاب رخصتی وچ شامل سی۔

## 5 - 12-32:45

یسوع دے طالب علماں نے، جیہڑے اپنے مالک دی جت نوں پورے طور تے سمجھن لئی چنگی طراں تیار نہیں سی، کجھ خاص عجیب کم نہیں وکھائے جد تیکر پئی اوہناں نے اوہدے سولی چاڑھے جان نوں نہیں سی ویکھیا تے ایہہ نہیں سی جانیا پئی اوہ مریا نہیں سی۔ ایہنے اوہناں نوں اوس سب کجھ دی سچائی لئی مائل کیتا جو کجھ اوہنے اوہناں نوں سکھایا سی۔

عماؤس دے سفر وچ، یسوع اپنے پیاراں اُتے اوہناں گلاں نال، جنہاں نال اوہناں دے دل اندروں روشن ہو گئے، تے روٹی توڑن نال ظاہر ہو گیا۔ اوس الہی روح نے، جنہے صدیاں پہلاں یسوع ول اشارہ کیتا سی، الہی کلام دے راہیں گل کیتی تے اوہ ایہدے راہیں ہر دور تے موسم وچ گل کردار ہوئے گا۔ ایہہ من والے دے دل اُتے ظاہر ہندا اے، تے دوبارہ بدروح نوں کڈھیاں تے بیمار نوں شفا دیندیاں ہوئے وکھالی دیندا اے۔

## 6 - 30-26:131

یسوع دے مشن نے پیشین گوئی دی تصدیق کیتی تے پُرانے زمانے دے نام نہاد معجزے دی وضاحت کیتی جدوں پئی الہی قوت دے قدرتی اظہار سی، اوہ اظہار جنہاں نوں سمجھیا نہیں گیا سی۔ یسوع دے کماں نے اوہدے مسیحائی دے دعوے نوں قائم کیتا۔

7- 18:6:51

یسوع اپنے آپ نوں ویریاں توں بچا سکد اسی۔ اوہدے کول الہی وانگر اپنی روحانی شناخت لئی حیاتی دے انسانی فہم نوں مکان دی طاقت سی؛ پر اوہنے اپنے فانی بدن نوں نیست کرن لئی انسان نوں ایہدی اجازت دتی تاں جو اوہ لافانی حیاتی دا ثبوت تیار کر سکے۔ انسان دی ایس حیاتی نوں کوئی نہ مکا سکیا۔ یسوع اپنی عارضی حیاتی اپنے ویریاں دے ہتھوں وچ دے سکد اسی؛ پر جد اوہ دھرتی اُتے مشن پورا ہو گیا، تے اوہدی روحانی حیاتی، لازوال تے ابدی، ہمیشہ لئی اونج دی ای پائی گئی۔ اوہ جان داسی پئی مادے وچ کوئی حیاتی نہیں اے تے ایہہ پئی اصلی حیاتی رب اے؛ ایس لئی اوہ اپنی روحانی حیاتی نالوں ایس لئی بوہتا الگ نہ ہو نیا پئی رب نہ ناپید ہو جاوے۔

8- 12:3:18

یسوع ناصری نے انسان تے انسان دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھار اے۔ اوہدا مشن انفرادی تے اجتماعی دونوں سی۔ اوہنے حیاتی دا مناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینوں کرنا، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔ یسوع نے جرأت نال حساں دے منے ہوئے ثبوت دے خلاف، منافقانہ عقیدیاں، مشتقاں دے خلاف کم کیتا، تے اوہنے اپنی شفا دین والی طاقت دے راہیں اپنے سارے مخالفان دی تردید کیتی۔

## 9 - 26-14:134

انسان دے بنائے ہوئے عقیدے زوال پذیر نہیں۔ اوہ مصیبت و بوج بوج ہوتے مضبوط نہیں سی رہے۔ مسیح دی طاقت توں خالی، اوہ مسیح یا فضل دے معجزیاں بارے عقیدیاں نوں کیوں بیان کر سکدے نیں؟ مسیحی شفا دے امکان توں انکار ہر عنصر دی مسیحیت نوں کھولیندا اے، جسے پہلی صدی وچ ایہنوں الہی قوت تے ایہہ حیران کرن والی تے بے مثال کامیابی بخشی سی۔

سچا لوگوس قابل اثبات کر سچن سائنس اے، ہم آہنگی دا اوہ فطری قانون جیہڑا اختلاف اُتے فتح پاؤندا اے، ایس لئی نہیں پئی ایہہ سائنس مانوق الفطری یا غیر طبعی اے تے نہ ای ایس لئی پئی ایہہ الہی قانون دی خلاف ورزی اے، بلکہ ایس لئی پئی ایہہ رب یعنی نیکی دانا قابل تبدیل قانون اے۔

## 10 - 15-9:304

ایہہ کر سچن سائنس دا عقیدہ اے: پئی الہی پیار اپنے اظہار یا موضوع توں عاری نہیں ہو سکدا، پئی خوشی دکھ و بوج بدل نہیں سکدی کیوں جے دکھ خوشی دا مالک نہیں اے؛ پئی چنگیائی بریائی نوں کدی پیدا نہیں کر سکدی؛ پئی ماد اکدی سیان نوں پیدا نہیں کر سکدا نہ ای حیاتی کدی موت دا نتیجہ ہو سکدی اے۔ سچا انسان، رب یعنی اپنے سچے اصولاں دے پاروں، پاپ توں پاک تے ابدی اے۔

## 11 - 26-15:55

سچیائی دالافانی نظریہ، اپنے پرانے بیٹھاں بیماراں تے پاپیاں نوں کٹھیاں کر دیاں ہوئے، صدیاں دا احاطہ کر رہیا اے۔ میری خستہ حال امید اوس خوشی دے دن دا احساس دلاؤن دی کوشش کر دی اے، جدوں انسان مسیح دی سائنس نوں سمجھے گا تے اپنے گوانڈی نال اپنے وانگر پیار رکھے گا، جدوں اوہ ایہہ جانے گا پئی رب قادر مطلق اے تے جو کجھ اوہنے انسان لئی کیتا اے تے کر رہیا اے اوہدے وچ الہی محبت دی شفا تے طاقت نوں جانے گا۔ وعدے پورے کیتے جان گے۔ الہی شفا دے دوبارہ ظاہر ہون دا ویلہ ہر ویلہ ہندا اے؛ تے جو کوئی وی اپنا دھرتی والا سب کجھ الہی سائنس دی الطار اُتے رکھدا اے، اوہ ہن مسیح دے پیالے وچوں پیندا اے، تے اوہ روح تے مسیحی شفا دی طاقت نال ملبوس ہندا اے۔

12- 18-13:565

ساڈے مالک دی زمینی حیاتی وچ روحانی خیال دے روپ دی اک مختصر جی تاریخ سی؛ پر ”اوہدی بادشاہی دا اخیر نہ ہووے گا،“ کیوں جے، مسیح، رب دا خیال، ساریاں قوماں تے امتاں تے الہی سائنس دے نال آمرانہ طور تے، پورے طور تے، فیصلہ کن انداز وچ حکومت کرے گا۔

## روزانہ دے فرض

میری بیکریڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سبھی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔